



GIUSEPPE CABIZZOSU

BIBLIOTECA

www.giuseppcabizzosu.it

Vittoria Calzaghe

(Laerru 1960 -)

Poesie scelte in lingua sarda



GIUSEPPE CABIZZOSU

BIBLIOTECA

www.giuseppcabizzosu.it

Vittoria Calzaghe

(Laerru 1960 –)

Poesie scelte
in lingua sarda



GIUSEPPE CABIZZOSU

BIBLIOTECA

www.giuseppecabizzosu.it

Vittoria Calzaghe

(Laerru 1960 –)

Vittoria Calzaghe Luogo è nata e risiede a Laerru. E' stata emigrata in Francia per 20 anni. Abile poetessa sia in italiano che in "*Limba*", nel 2000, la pubblicazione di un libro in italiano "*L'anima a nudo*"; Dall'anno 2001 al 2003 ha partecipato come ospite alla trasmissione "Radio del golfo" di Porto Torres per recitare poesie in sardo; Dall'anno 2004 a tutt'oggi partecipa recitando poesie alla trasmissione "La bocci de la Gadhura"; Dall'anno 2004 a tutt'oggi organizza incontri poetici con il Comune di Laerru, per poeti provenienti da tutta l'isola; dall'anno 2001 partecipa a tutti i concorsi di poesia sarda meritandosi parecchi riconoscimenti.

Ajò in Anglona

Ite bellu su giru de s'Anglona
partidu dae idda e Zaramonte
cussa turre mirende in su monte
chi paret de su logu sa padrona
dai sempr'inie es che una matrona
dai sette sécculos ancor'in ponte
fortezza situada in altura
simbolegiat chissà cale natura.

Dai Zaramonte a Perfugas so andada
bellesa sos nuraghes de sa zona
su puttu sacru mezus se s'Anglona
sa chegia e Santu Gjolzi segnalada
fatta in trachite ruia sa fazzada
chimbanta bator taulas pro corona
su ch'happo idu este un'incantu
orgogliu de sa idda tottugantu.

"Monte Elias" e sa "Valle e s'inferru"
sos de Tergu los tenene a bantu
ma sa pius meravigia e ispantu
e sa turre in chegia a insertu
sas campanas chi sonan'a disterru
chi pro sa idda suni un'incantu
sa Via Crucis ch'agatas in s'istrada
un'opera dai Chessa iscolturada.

In Laerru mifrimmo, ite cuccagna
pro me tottu bellesa e cuntentu
dai sas chegias finas su monumentu
sa "rocca rutta" e sa "rocca manna"
sempre irde non timende sicagna
e fiorida es totta sa campagna
innoghe agatas su divertimentu
cha sa zente es sempr'in movimentu.

Casteddu Sardu bellu e solare
in altura sa sua zitadina
chi fraigada est' in sa codina
ispigendes'a s'abba e su mare
invitende sa zente a si bagnare
in sa limpida abba cristallina
friscu su pische de ogni zenia
profumat ristorante e tratoria.

Bellesas e nuraghes in tot'ue
nachi Nulvi n'he contada ottanta
in mes'a sa natura tottaganta
ba chegias campestre rue, rue

sos montes bellos sun tottu igue
a "Monte Alma" arrivis canta, canta
regnu e sos bentos es "Monte Entosu"
ma mandighende este unu gosu.

Ogn'annu riunis zente a gala vera
in su campu poleobotonicu a festeggiare
cun piatanzas de poder deliziare
pro sa festividade e primavera
Martis de custu andande fiera
recuin dai ogni parte a t'onorare
ses ospitale in dogni ricorrenzia
dai cand'arrivin fin'a sapartenzia.

De bellesa ses piena pro natura
Sedini dai tottu ammirada
intro sa rocca paret pitturada
sa "Domu de Janas" pro figura
pro sos turistas vera ermosura
che Dea ses'istada immortalada
Desole e Pusceddu ammentende
sas melodias paren sian cantende.

A est sas montagnias de Limbara
a nord-est sa valle de s'Anglona
tottu sos montes li faghen corona
de melalidone e mirto circondada
ses de fauna e flora incorniciada
chie t'idet n'he restad' incantada
Erula de bellesa naturale
comente a tie non beste s'ugnale.

Ajò in Anglona semus terminende
a Valledoria logu importante
su vinti luglio chi pro s'emigrante
gust'e piaghere li sun procurende
in sas'istradas andend'e assaporende
delizias pro tuttu abbastanza
undi la realtà e palti dun sognu
de la vivere ognuna a bisognu.

Andan che rundines chirchende

Extracomunitarios fuende
Approdan'in sa costa italiana
S'isperenzia innoghe postu hana
Cunfortu e tribagliu sun chirchende
Senz'ischire aue sun'andende
Si friman'in sa terra isolana
In custu logu pienu de incantu
Ismentigan tristura e piantu.

Su nidu hana dezisu de fraigare
Una barracca in taula o in ferru
Fuende tottu dae cuss 'inferni
Sa povertade pro allontanare
Lottende e continuende a lottare
Non connoschen' istiu né ierru
Cun dolores e fadigas immensas
Finzamentas cun malas ricumpensas.

Sos soldados pro fagher su dovere
inue bat bisonzu andan lontanu
Agiuan su malaidu e su sanu
De donos bellos tenen su potere
Lu faghen pro passione e dovere
Sempre pronti a sero o manzanu
A debiles pro dare proteziones
Sempre fieros, fortes che leones.

Sas voluntarias pro umanidade
Che sas rundines partin'a trumadas
In circa e ponner paghe ma indebadas
Cun perigulos de ogni calidade
Inie pro offrire caridade
Las hana che puzones ingabbiadas
Però issas non perden s'isperenzia
E torran' a inie cun costanzia.

Sa gherra es cruenta in cussos logos
A ponner paghe sempre sun tentende
E grandes sacrificios affrontende
In modu chi non sian'a sos solos
Dae ogn'istadu partini sos bolos
Prontamente los suni aggiuende
Giutende voluntarios pro consolu
Partin' aereos che rundines a bolu.

Arregionu "de una mama e fizu mortu"

Anghelos bolana a Tie Signore
de ogni razza de ogni colore
lassende in s'isconfortu in su dolore
chie l'ha partoridu cun'amore.

Tantos anghelos Deus ti ses giutende
che punzones dogni die a trumadas
pruite! naschene gai indebadas
pro los leare poi rie, riende.

Carignadu aia custu sognu
l'istringher' inpetus e ninnare
ma Tue mi l'has cherfidu leare
cha de issu n'haiasa bisognu.

De issu sa sembianzia nappo perdita
e pianghende lu so isconsolada
pro una criatura appena nada
chi in s'iscuru es bennid'e partida.

A su Signore fia destinadu
no istes cara marna in faltizu
happ'a esser pro te sempr'u nu fizu
cha ses tue chi m'hasa generadu.

A sa sola non t'happ'a lassare
cun s'agiudu de Deus e Maria
a tie carigno in pregadoria
cand'happ'a bennere a ti visitare.

Tue già l'ischisi chi Deus si leat cura
de sos anghelos chi issu a separadu
no istes in pena o quidadu
epas de su chi naschede premura.

Cun su tempus andende piami, pianu
lontanu ad'ha esser cust'ammentu
ed eo cun tegus mama ogni momentu
b'happ'a esser tenzendedi sa manu.

Isto ene girende in giru tundu
pro destruere sos males de du mundu
Deus t'hada dare un'alera criatura
cara mama de custu ista sigura.

Bentu prepotente

No m'has lassadu mancu riposare
a isfasciare tottu fi s'abentu
fruscende e pesende iscarmentu
fatende tottugantu entulare.

Dai su balcone osservo sa buffera
Gesù Maria it'he so idende!
e non solu papiros fin bolende,
nue niedda ido in sa carrela.

Dispetos mannos issu fi fetende
sos lampiones in terra chindulados
in su logu parian semenados
cun sos filos in altu pende, pende.

Dai copertura teulas b'ido olende
in presse serro lestra su balcone
ma issu prepotente che ladrone
a colpos'in sa gianna fi zocchende.

Cheriat intrar'a forza in domo mia
ma tottugantu eo happe frisciadu
pariad'unu leone indiauladu
cha sest'abistu ch'abbaidende fia.

In domo es resessidu a intrare
intendo chi sa gianna fi movende
muda e chieta cha lu fia timende
divertidu mi fidi assucconende.

Tand'happe ispalancadu su portone
a cumpresu chi fia indifferente
timende d'esser bidu dai sa zente
ses pesadu in d'unu bulione.

Pariat chi fit bessende dai s'inferu
ponzend'a mie in tribulascione
a lassadu pulidu ogn'istradone
ma sos dannos si contan'a disterru.

Recreu

A passu lentu in d'una caminera
istracca mi so frimma a riposare
bad'unu chercu mannu seculare
inie sutta s'umbra paret sera
mirende sos fundales de s'aera
e sas nues chi idia passare
inie tantu tempus so restada
de cussa meraviza estasiada.

E non solu sas nues fin bellura
inie pariat unu paradisu
sa frina carignendemi su visu
sos puzones bolende in altura
unu cuncertu in totta sa pianura
a los'intendere fini un'acisu
cossu momentu fi tottu su meu
m'ha dadu gioia, amore e recreu.

Lontana dae rumores e baccanu
fini momentos de serenidade
su solitu "tran tran" de sa zitade
dae sa campagna ches lontanu
inie sa natura in primu pianu
e logos bellu de aminidade
ogni campu tapezzadu de fiores
profrumados de tuttu sos colores.

De rientrare nò aia premura
però sa notte che fi gia calende
sas'istellas in chelu ispuntende
sa luna cun sa sua biancura
campagna e chelu fin'una pintura
pro sos ojos chi fin'abbaidende
in coro mi giutto cussu quadru
bellessas de campagna e de su criadu.

Mama e tottu

Grandes virtudes tenes Mama Santa
Cha su podere Deus t'ha donadu
De assistere ogni isconsoladu
Et s'umanidade tottaganta.

Maria Assunta in chelu coronada
Mama diciansa de Nostru Signore
Distrue males, odios e rancore
A tottu prego dae una mirada.

Clemente perla, bella, delicada
In dogni santuariu ses presente
Ses cunfortu de ogni sofferente
Dai ogni cristianu venerada.

Cuss'immagine tua a tottu cara
Faghet dimora in dogni abitadu
In istatua chi siat o quadru
Brillas sempre de una bellasa rara.

Abbaida dai s'altu ogni tantu
A fizes tuos in tribulazione
Ue molzende senz'una regione
Isterre piedosa cussu mantu.

Faghe chi sesed'ogni contierra
Chi ogni coro nascat dai nou
Cha lu podes umpar'afizu tou
Pone fine a sa cruenta gherra.

Solu tue bi podes o potente
Frimmare custa furia cherrende
Disfaghene su mundu sun tentende
Adulchi ogni coro prepotente.

E in logos chi nudda no hana
Tue sa povertade allontana.

Morte de un'alvure

De fozas fi piena ite bellura
La idia ogn'istagione fiorende
Manu, manu cun sos annos creschende
Pianu, pianu che una criadura

L'happo connotta fid' una fruedda
Dai cando so abitend'in custa via
Mirendela poniad' allegria
Sempr'ismannende che una pisedda

Umbra faghiat' a una panchina
In cussu situ fidi meda bella
Che soldadu fatende sentinella
Si si seziat calchi signorina

Reposaiat puru s'anzianu
Si passaiad' a ora e mesu die
Tottu si frimmaiana inie
Arregionar' in seras de eranu

De irdes rattos fi tot' adornada
Sana pariat fin'a su momentu
Ma su die sa forza e su entu
L' ha tottaganta israighinada

Su truncu cun violenza n'han segadu
Fozas e ramos happo idu olende
Un' alvure in su mentres fi molzende
Lassende cussu logu ispozadu

Oe la miro cun sa nostalgia
Su piantu m' ha leadu a s'improvisu
Sa lagrimas m'oscuran su sorrisu
Ap'assistidu a s'utim'agonia

Restad' orfana es cussa panchina
Passan deretos' in cuss' istradone
Pius no intendo cantos de puzone
Ue requian dogni serentina.

Non fit debile fiamma

Pensende non riposo unu momentu
E sonniu ogni die amore invanu
Che lughe chi s'istudat pianu, pianu
Lassendemi su coro in turmentu
Debile fiamma giutta dai su entu
Che foza entulende già lontanu
Ma finzas chi la ido arder'ancora
Ti penso notte e die a dogn'ora.

Sempre pius vana e s'illusione mia
Cha sa candela ormai es consumende
Niedda dai su fumu diventende
Istudende sa lughe chi fi bia
Cun issa es finende s'allegria
Cussu fumu su coro iscurighende
Poi istudada restat chera solu
No happe né isperenzia né consolu.

Però su coro in petus palpitende
Currid'umpare cun su pensamentu
A su minutu suni pius de chentu
Sos batidos chi a tie sun giamende
M'avisan cando a mie ses chirchende
Custu coro non lesses'in turmentu
Cuss'ispera non fetas istudare
Cha senza te non potò pius istare.

Ammentadi amore isconfinadu
Chi debile non fit cussa fiamma
Pro te peldidu happe istima e fama
No isco pius'inue happ'aprodadu
Dae cando tue s'amore mas negadu
Non resesso agatare pius sa trama
Cha in subugliu as postu custu coro
Torra ti prego, torra chi t'adoro.

Non mi lesses'andare a sa deriva
Senza te in su mundu e ite fatto?
Sempre giamo, ti chirco non t'agato
So in altu mare ma non bido riva
So marinera ma de remos briva
Sola in sa tempesta eo m'agato
Agiuami arrivare a su portu
Si cust'amore ancora no es mortu.

Pensamentos de un'emigradu

Segnalazione al Premio A.C.L.I. del 2009

Mentres iscrio sa malinconia
De cussu tempus Sardigna istimada
Ca pro annos a mie ses mancada
In dogni pensamento fisti ia

Cant'est trista sa vida 'e s'emigrante
Sos annos pius bellos m'at furadu
A su logu nadiu so torradu
Da poi de annos chi fia distante

Non t'apo ismentigadu unu minutu
Continu fis serrada in coro meu
In tottu sos momentos de anneu
Sardigna mia in coro t'apo giutu

De bellesa ses piena pro natura
Isola mia da tottu ammirada
Paret chi a tie epan pitturada
Pro fagher sempre una bella figura

Cand'istraccu andaia a riposare
Ogni notte t'aia in pensamento
A sos logos de infanzia e cuntentu
Cun sa mente curria a ti chircare

Su sonnu non cheriat arrivare
A mama pensala in su momentu
Aggiunghende dolore a su turmentu
Sa sorte sentza poder cambiare

D'attoppare unu sardu fia cuntentu
A issu connoschia dai lontanu
Ca intendia su calore umanu
Aimus su mantessi sentimentu

L'idia sempr'in laras su sorrisu
E sos brunos colores de sa cara
Sa gentilesa sua già fit rara
A nos incontrare fit un'accisu

De s'isolana terra su limbazu
Podiamus umpare feaddare
In logu istranieru send'umpare
T'agattas unu frade a costazu

S'arregionu bolaiat lontanu
Pensende ambos duos tott'umpare

A cosas chi amus dévidu lassare
Su bellu sole nostru isolanu

In sa bella ospitale terra mia
De paghe, de ampre e consolu
In mare, in montagna e non solu
Est musica, est cantu, est poesia.

Sa morte

Nachi ses niedda fea acrinzida
chi zertu non somizas a una dea
ponzende sos chi restan' in pelea
faghes paura e non cheres bida
cha trucas su raportu cun sa vida
e pro cussu ti naran chi ses rea
sempr'in giru in sos logos chirchende
dogn'essere umanu ti ses lende.

Morte pruite? faghes arrabbiare
pro piaghene allontanadi dai me
pius non ti atrives innoghe a ponner pe
cha non ti chelzo ider'o incontrare
m'hana nadu chi cheres cumandare
ma deo non so un'amiga pro te
cando t'ammerias a chie leare
no lu mollas, no lu lassas istare.

Tue morte fiera e incrudellida
non miras giovane, né anzianu
los leas sempre malaidu o sanu
e binches sempre tue sa partida
narami pruite? ses gai accanida
bi cheret zente chi ti ponzat manu
in dogni logu ses fatende dannos
meritas chi t'aconzen pro sos'annos.

Arrivis a sa cua muda, muda
niunu t'ha mai idu né intesu
paret chi sentan solu unu pesu
e pro cussu ti giaman morte cruda
cha ispozas e lassas'a sa nuda
e chie restat n'istada offesu
e canta zente pones in pelea
ses brutta, iscarenada, niedda fea.

A lischis cantu a mie faghes faltizu
in su modu chi ti leas sa zente!
e cando mai! tue n'de ses dolente
separare una mama de un fizu
trunchende ogni bene ogni desizu
de babbu, mama e ogni parente
morte non sias gai impiedosa
inserrende sas vidas in sa losa.

Sas campanas de idda mia

Sun bellas sas campanas de idda mia
A las'intender suni un'acisu
Cha paren melodias de paradisu
Ponzend'in coro a tottu allegria
Su sera sonan pro s'Ave Maria
In dogni domo bad' unu sorrisu
A chena si riduini sa zente
Pro su cuntentu de ogni parente.

Saludan'a sa fatta de su die
Su bongiorno rivolt'a tottugantu
Iscultendalas suni un'incantu
Gioiosas saludende rie, rie
Allegria non dona sol'a mie
Ma suni prò sa idda un'ispantu
Sonende prò sa zente a dogn'ora
Contente una forza protettora.

Pro su paese una grande cosa
Giaman'a chegia ogni laerresu
Arrivin dai vicinu e atesu
Pro ogni funzione religiosa
Sonen cu boghe allegra o piedosa
Currid'ognunu puru send'offesu
Lacrimas versan de piantu sinzeru
Si tristes sun sonende un'isperu.

Sonan'a mortu senza si frimmare
Pro saludar'a chie nos at lassadu
Paren'unu lamentu accoradu
Chi faghen sa carena irpillare
A toccu e mortu pro l'accompagnare
Gai su defuntu enid'onoradu
No es comente sonare allegria
Es triste e fea cusso melodia.

Devotos tottu a Santa Margharida
Cha de sa idda issa es sa padrona
Fideles la pregamus dai sa trona
Chi tenzat custa zente sempr'unida
E pro cantu duramus'in sa vida
Ogni mancanza nostra nos perdona
Sonende sas campanas'a disterru
Allegras pro su populu laerresu.

Sa vida es che unu liberu

Pro ogn'unu liberu differente
Sas paginas faedan de a tie
De sorpresas sun pienas donzi die
Boltulada de entu solamente.

Issu es che impronta digitale
Deus a tie l'a cheffidu donare
No lu podes prestare o cambiare
E no ischis cale sias sa finale.

In primas paginas e pro medas annos
No ischisi ite suzzedidi donzi die
Cha ateros lu legen pro a tie
A boltas cun gioias o affannos.

Giompidu a s'edade de s'iscola
Cando asa imparadu sa letura
De legere lestru no epas premura
Lege donzi die una pagina sola.

No sias troppu curiosu de ischire
Ite suzzedidi in tempus bennidore
Cha tottu es destinu dai minore
A ogni pagina debes ubidire.

Su liberu chi Deus t'ada iscrittu
A su finale a boltas coloradu
Pro zertos bellu e bene illustradu
In biancu e nieddu pro su poverittu.

S'omine aflittu isperat su momentu
Chi su finale siat pius serenu
Girat pagina e sempre paza e fenu
e narat: forsi crasa so contentu.

A leger sa meidade est arrivadu
De custu mannu liberu de sa vida
Binchida fin'a oe sa partida
Ma senza ischire su chi bes restadu.

E poi chi es finidu su racontu
De custu liberu a Deus torra contu.

Si podia su tempus frimmare

Mi torrani ogni istante cun tortura
Cuddas peraulas nadas cun dultzura,
“T’apo amare finas a sa sepoltura
In allegria in gioia o tnstura”

Si cussas dies podia frimmare!
Nd’aia, ìmmortaladu ogni momentu,
Cando riende felice e cuntentu
Currias dogni bolta a m’abratzare.

Non poto unu momentu olvidare
Cussa boghe, sas manos e su risu,
Die e notte in coro meu s’ acisu
Si puru non mi lassat reposare.

Sa notte benis pro mi tormentare
In su capidale m’istasa a vicinu,
Istringhendemi forte a su sinu
M’ischido e non semus pius umpare.

De vera passione t’apo amadu
In su tempus andende pianu, pianu,
Ogni dies pius forte manu, manu
Como restat ammentu delicadu.

A sas istellas fatto una preghiera
Cussas chi ambos amus invocadu,
Ti diant segnale de cantu t’apo amadu
Si miras sos fondale de s’aera.

Puru a su bentu apo pedidu agiudu
Non solu a sas istellas, sole e luna,
Chi non mi brivent de custa fortuna
Fatendemi totu umpare de iscudu.

A sa sola mi ponzo a arrejonare
Sa timoria mi leat a s’improvisu,
Diat mancare pro me su paradisu
Non chelzo cust~ amore cancellare.

Lu tenzo in coro meu, cust’ammentu
E remonidu sempre in sa mente,
Die e notte con megus es presente
E m’alimentada a dogni momentu.

S'istraniera

So pro vint'annos istada emigrada,
Patria cara, senza idere a tie,
Ma su tempus chi so restada inie
Sempre comente primu t'happo amada.
Non t'happo unu momentu ismentigada
In sas oras notturnas e su die
Ca tue notte e die sempre arreu
Fist continu serrada in coro meu.

So partida sonniende cun s'ispera
Una die de poder rientrare
De torrare unu die a t'abbrazzare
Ca de te terra mia ando fieru
Sas linnas, sas montagnas, sas costeras
Sas baddes, sos nuraghes e su mare
Custos pro me fin sos caros ammentos
Chi in coro haia tottu sos momentos.

Cara Sardigna sas sacras alturas
Chi tenias, chi tenes e in futuru
Ispero torre ammirare siguru
Basta che fiza tua a mie imbares
Ispero un'acoglienza mi prepares
Goi eo happa fagher pro te puru.
In custos annos Sardigna istimada
No ischis canto a mie ses mancada.

Cant'est trista sa vida 'e s'emigrante
Nostalgica, malinconica continu
E i sa zente chi t'istat vicinu
Sa mantesi ti rended pius pesante
E cando dae te fia distante
De torrare haia su pedinu
E como invece chi so rientrada
M'agato peus d'essere emigrada.

Mi sun mancadas certas amicizias
Chi a sas cales aberu tenia,
Mi sun mancadas, o patria mia,
Cun issas sos effetos e delizias
Custu suzzedidi pro sas ingiustizias
Chi a meda non donan garanzias
E los custringhene a girovagare
Chirchende su tribagliu a si campare.

Fizos fieros de sa nostra Italia
Devimus essere tottugantu unidos
Sos chi emigrantes sun partidos
In Belgiu, in Germania e Australia

Abbandonende sa terra natalia
Ca fin dai bisonzu pissighidos
E fin custrintos comente a mie
Pro custu fattu abbandonare a tie.

Italia mia, sos antigos murus
In vint'annos no happe ismentigados
Dai comente los happe lassados
Sun malandados e pagu seguros
Issos puru han connottu tempos duros
Che nois poveritos emigrados
E nos signalan cun s'issoro presenza
Sa parte de sa nostra decadenzia.

Finas in mesu a sa difficultade
Ammentàda mi so sempre de te
Happ'operadu comente Mosè
Fuende pro sa vera povertade
Tue senza peruna dignidade
Non ti ses ammentada pius de me
E m'has trattadu cun d'una manera
Chi ancora mi parzo istraniera.

S'istraniera

So pro vint'annos istada emigrada,
Patria cara, senza idere a tie,
Ma su tempus chi so restada inie
Sempre comente primu t'happo amada.
Non t'happo unu momentu ismentigada
In sas oras notturnas e su die
Ca tue notte e die sempre arreu
Fist continu serrada in coro meu.

So partida sonniende cun s'ispera
Una die de poder rientrare
De torrare unu die a t'abbrazzare
Ca de te terra mia ando fiera
Sas linnas, sas montagnas, sas costeras
Sas baddes, sos nuraghes e su mare
Custos pro me fin sos caros ammentos
Chi in coro haia tottu sos momentos.

Cara Sardigna sas sacras alturas
Chi tenias, chi tenes e in futuru
Ispero torre ammirare siguru
Basta che fiza tua a mie imbares
Ispero un'acoglienza mi prepares
Goi eo happa fagher pro te puru.
In custos annos Sardigna istimada
No ischis canto a mie ses mancada.

Cant'est trista sa vida 'e s'emigrante
Nostalgica, malinconica continu
E i sa zente chi t'istat vicinu
Sa mantesi ti rended pius pesante
E cando dae te fia distante
De torrare haia su pedinu
E como invece chi so rientrada
M'agato peus d'essere emigrada.

Mi sun mancadas certas amicizias
Chi a sas cales aberu tenia,
Mi sun mancadas, o patria mia,
Cun issas sos effetos e delizias
Custu suzzedidi pro sas ingiustizias
Chi a meda non donan garanzias
E los custringhene a girovagare
Chirchende su tribagliu a si campare.

Fizos fieros de sa nostra Italia
Devimus essere tottugantu unidos
Sos chi emigrantes sun partidos
In Belgiu, in Germania e Australia

Abbandonende sa terra natalia
Ca fin dai bisonzu pissighidos
E fin custrintos comente a mie
Pro custu fattu abbandonare a tie.

Italia mia, sos antigos murus
In vint'annos no happe ismentigados
Dai comente los happe lassados
Sun malandados e pagu seguros
Issos puru han connottu tempos duros
Che nois poveritos emigrados
E nos signalan cun s'issoro presenza
Sa parte de sa nostra decadenzia.

Finas in mesu a sa difficultade
Ammentàda mi so sempre de te
Happ'operadu comente Mosè
Fuende pro sa vera povertade
Tue senza peruna dignidade
Non ti ses ammentada pius de me
E m'has trattadu cun d'una manera
Chi ancora mi parzo istraniera.

Su podere de su sambene

Cantu sambene ispartu in sa terra
Ogni ticcu es meda preziosu
Es peccadu cha tantos n'ana gosu
Non si perdede in sos campos de gherra

E cantu sinde versad'in s'istrada
Pro sas'istrages de su sapadu sera
Sos zovanos sighende una chimera
A boltas an sa vida segnalada

Su sambene es preziosu a tuttugantu
Cha issu dada briu, forza e mottu
In meda ana custu reconnottu
E pro sos donadores grande antu

Prestan'agiudu a sos chi suni male
Podet torrare in bida unu mortale
Malaidos fora e intro e s'ispidale
Pro tottu es gosu e meighinale

E currit prepotente in d'ogni vena
Unende mammas, fizo e parentes
Ammentende cun decoro a sas zentes
Custa bella e dulce cantilena

"Su sambene no est'abba" ed es beru!
Una frase chi si narat de continu
Tenet su parentadu a vicinu
"Oghe de sambene" no es misteru

E chie lu donat n'est orgogliosu
Cha un'azione bella a conclusu
Su talassemicu vivet de piusu
A ogni trasfusione n'ada gosu

Li dat sa forza pro continuare
In su tempus s'ispera de sanare

S'ultimu olu e' sa mariposa

Una mariposa so sighend'in bolu
Gioiosa es vivende ogni momentu
Cun sas'alas abeltas'a su entu
A la mirare est'unu consolu
Peccadu! Vivada una die solu
De morrere no bada in pensamentu
Bolende istat dai fiore, in fiore
Assaporende gustos'e colore.

Nde naschet noas'a sa fat'e su die
Pintadas e de tottu sos colores
In campos tapezzados de fiore
Fin'a sera si frimmana inie
Pintirinadas'o biancas che nie
De su sole gosende sos bagliores
Sa vid'issoro gai es destinada
In d'una die es vivida e passada.

A su sole las bido iscaldende
Ite bellesa suni unu fiottu
In giru ai cussu campu fini tottu
A coa coedda parian gioghende
A sa frina sas'alas fin movende
In mes'a issas una apo connottu
Girende l'apo ida in cuss'ora
Chirchende fidi s'ultima dimora.

Curro la so idende accasciada
Unu carignu li do e fi tremende
La miro cun sas'alas pende, pende
In mes'a sas violetas ses frimmada
E un'atera die es campada
Ma sa sorte la fid'abbandonende
Fid'una die bella de eranu
Sa morte si l'a giutta pianu, pianu.

E ateras nde naschet dogni die
Ma gai bella non nd'apo idu ancora
Aiat sos colores de s'aurora
Aiat sa biancura de su nie
Nisciuna ad'a esser che a tie
Chissà! T'agate in s'atera dimora
Inue penso non sias'a sa sola
Ma inghiriad'e rosas e viola.

Chissà! Si crasa un'atera cheppare
Idere pota in sa fantasia
Sonniarela comente siat bia
Bolend'inie senza si frimmare

E sas violetas potede basare Ed eo in cussu logu mi cheria
Ma isco chi non poted plus torrare
Su tempus pas'innoghe a isetare.

Tue Santa Lughia

Menzione Associazione non Vedenti

Pro cust'amigu chi ischit iscultare
A boltas cando so de malumore
Es che unu frade pienu de amore
E tentat de mifagher deviare.

Ed es pro issu chi chelzo pregare
Ai custa Santa ches meda potente
Comente lughet anima e mente
Ti prego cust'amigu de sanare.

Pro issu siat finida sa traschia
Ispuntede lughende s'aurora
Dai cust'oscuridade ogalu fora
Cha tue solu bi podes, o Lughia.

Contenta dia essere e fiera
Si su desizu si diad'averare
De ider luna, istellas, sole e mare
Istiu, ierru, manzanu e sera.

Issu a peldidu sa lughe luminosa
Chi li fid'unu tempus de guida
Poi chi cussa lughe est'isparida
Bidet cun ojos de sa sua isposa.

Mai perdas su filu e s'isperanzia
Puru si como vives'in s'iscuru
Has meda donos istande siguru
Chi ater n'he sentin sa mancanzia.

Chelzo preghende augurar'a tie
De ider sas bellesas de s'aera
Su sole candes colende sa sera
Chi tando in s'orizzonte paret die.

S'aia de cristallu un'isfera
Su desizu a issa aia affidadu
Custu carru in chelu costelladu
L'aia fattu ider'istasera.

Su manzanu cando naschet s'aurora
E serentina cando es calende
Ches de milli colores luzzighende
Ue brilat su sole in sa dimora.